

DEO OPTIMO MAX. UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS
manè discutienda, in Scholis Medicorum, die Martis, sextâ
Aprilis anni M. DCC. XXXIV.

M. DAVID VASSE,
Doctore Medico, Præside. *autore.*

An Hæmorrhagia ex Dentium evulsione Chirurgi incuriâ lethalis?

I.



HEU cœcum hominum genus! qui, quod agunt minùs agunt; hinc Artium quas proſtentur negligentia; ex hâc præceptorum ignorantia; indè illarum pernicies, ni manum operi, qui artificibus præſunt, admoveant. Nùm exhausta artis tuæ materies, qui transis ad diſerſa, quæ tua non ſunt, objecta? currit iſte nec braviùm accipit: Quid mirum, ſi extra ſtadium? Maria pertranſit quæſiturus non inveniendâ quæ, urbem, ex quâ profeſtus, advenientes reportant alienigenæ: proh dolor quem ſibi honorem ex itinere præſumebat avidus, præripit alter & ſit illius commoratio deſerta! alii ſuæ artis neſcii ad Agyrtas recurrunt, & dùm ex Sutoribus (quis non rideret) Medici eoſdem pro ſe ſuiſque curandis conſucturi advocant; hinc Medicaſtrorum, Oculiſtarum, Dentiſtarum, Lithotomiſtarum, Chymiſtarum, &c. caterva naſcitur, in quorum manus incidunt artifices ipſi neglectâ arte, nonnunquam ad tabernæ ſuæ tirones (*miſellum opus*) remittunt rem non erubeſcentes; hinc morborum quos impares ſuſcipiunt ſanatio nulla, mala curatio, ex iplâque ſymptomata peſſima ſemper, ſæpè ſæpiùs lethalia. Huius generis ſunt hæmorrhagiæ quæ ex naturâ ſuâ inculpata, artiſicis incuriâ degeneres ægrotanti mortem velociori accerſunt pede; quæ aliàs ſalutares, cautione adhibita.

II.

HÆMORRHAGIÆ ex dentium evulſione non ſunt ex naturâ ſuâ inſanabiles; Dubitas? Eorum 1°. deſcriptio, nullibi talis legenda, probat; 2°. morborum in quibus inſtituitur eradicatione, confirmat hiſtoria; methodus tandem curandi, moduſque operationis evincit. Naturam ſi inſpexeris, morſus, maſtica-

tionis utilitatem, &c. jam jam advertes; si examinaveris morbos, extractio-
nis judicabitur necessitas; si tandem exeresim sis aggressurus, in operando dex-
teritas admovenda, aliquando paucis, nusquam nimis, ubique compendiola
methodus.

I I I.

DENTES [oris ornamentum; ciborum triturae incudes & mallei; illi
supra, hi verò infra ordine inverso, quod mirandum, positi; loquelæ, can-
tus, risus, stridoris, sufflatus, sibili, diversorum hiatus, &c. organum
consors] sunt ossicula durissima, densissima, albissima, lævissima, maxillis
clavorum capite diversorum ad instar juncturâ, *Gomphosin* vocant, insita: Sum-
ma eorum triginta duo; sexdecim utrique mandibulæ radicibus suis hærentes,
capitibus sibi invicem occurrentes, commissis lateribus cancellatim ordinati;
limbo superiori si inferiori maxillæ, inferiori verò si superiori è contrâ, cu-
neatim infixi; hujusce tribus radicibus ingentis supernè, & capitibus eminen-
tibus infernè, illius verò vice versâ. Uterque palorum ordo semicircularis at-
que parallelus inferiori sæpè prominens superior. Eorum natura omnibus com-
munis, duplex pro diversis quibus constanter partibus; alia quæ trunci, altera
quæ radices; illa encaustica, hæc ossea: Prima superficie politâ, duriore, lu-
cem reflectente densatur exterius; verùm pars interna ad instar radices: utra-
que cava, vasorum quæ ad nutritionem functionemque peculiarem via: Trun-
cum & radicem discriminat circulus utcunque depressus aut insculptus collaris
instar cui parùm adnascitur gingiva, extrâ quam eminet truncus pro triplici
figurâ, mole, functione, triplici nomine gaudens: si cuneatus figurâ, mole minor,
functione incisoris, dentis incisoris, adversi siye tomici fortitur nomen: si micro-
nis figurâ, mole major quam incisior, functione pungens, caninus dicitur aut ro-
dens: si circulariter ad corporis figuram accedat scrupèa basi, pluribus paucioribus-
ve monticulis ornatâ, trium familiarum maxima sit, cibos tandem molar, mola-
rem appellari sinas. Unam solamque radicem habet incisior: rarò binas easque
sæpè adjunctas aut saltè partim divaricatas caninus: duplici verò semper sal-
tè ferruminata radice donantur primus & secundus molaris: Triplici ple-
rumque, quadruplici non sæpè tertius & quartus, quintuplici rarò; at quin-
tus unam sæpissimè tantum emittit. Radices truncis obfirmatu adhæsuque lon-
giores suis alveolis strictè & quasi vaginulis sigillatim continentur ossis tenui-
bus & quasi lamellis supra Diploe expansis, ruptu depressive utriusque facili-
bus. Alveolis suum est periostium, at eandem membranulam esse dentium com-
muneque investmentum nec probat doloris sensus, nec fibrillarum circum col-
lare deprehensio. Sua est sicut trunco ita & radici licet lævis superficiariaque
encaustica obductio. Cuique Dentium classi suus est numerus peculiaris, nec
non situs, figuraque. Incisorum numerus octo; quatuor in quaque tribu, dum
ridetur, develantur anterioribus; è truncorum singulari situ gladioli figura compo-
nuntur; forma radicum, longa, anterioribus posteriorisque contracta, larga laterali-
tèr, in acumen paulatim desinens; huic aditus seu apertura foraminis instar in
juventute majoris, in senectute vix sensibilis, nonnunquam deleti. Nec mole
conveniunt incisores; qui maxillæ inferiori innascuntur minores, qui appen-
duntur superiori majores, inter quos duo anteriores ampliores laterales. Trian-

gularis quadruplex est trunci facies; anterforis posteriorisque basis versùs collare, utriusque verò lateralis circà capitis apicem; anterior nonnihil convexa facies, posterior concava parùm, propemodum planæ laterales; Trunci & radices extremas diversa; illius lata cœsim, hæc punctim acuta: Caninorum familia propter eminentium canis dentium figuram quâ donantur sic dictorum, angularem etiam audit; hinc anguli in ore quatuor quibus sigillatim incisores à molaribus distare deprehenduntur; tertio quoque vocabulo nominantur qui ad superiorem pertinent maxillam, ob oculorum viciniam, ocularii: eorum truncus incisorum trunco major, antèius projectus, convexus, exteriùs rotundatus nonnihil, brevi ac triangulari terminatus cuspide; trium facierum anterior convexa, duæ posteriores planæ; Radix plerumque radice incisorum crassior, densior, longior, acutiorque, maxillarum sinus aliquandò [si mandibulæ superiori hæreat] perforans. In laterali posteriori oris utroque tum superiori tum inferiori latere deprehenduntur quinque molares, post caninos immediatè positi, quorum anteriores duo minores; duo sequentes majores; quintus tandem ultimusque interior vocitatus, tardus, postremusque, modò majoris modò minoris molis, modò citiùs, seriùs modò, modò nusquam oriundus. Eorum truncus crassus brevioris corporaturæ, utcumque cylindraceus, quatuor parumper rotundatis angulis circumdatus, Coronæ nomen etiam præ aliis consortibus suis potiori jure admittens. Quæ ad superiores maxillas earumque dentes annonas ferunt arteriolæ, alterum primi è duobus in utroque latere ramusculum rami quinti è carotide externa oriundi audiunt; secundus ejusdem quinti ramulus maxillam inferiorem præterfluit: sunt & aliæ capillarum ramulorum subdivisiones, qui invicem inter se communicant, ut propter suam exilitatem si quidam deficient, subministrant alteri propiores: fibrarum præsertim ossæarum rigiditas siccitasque retardant minuuntque appellentem sanguinem; hinc in maxillis insolita phlegmone; frequens catharrus, ob salivalem vasorum multipliciter, rarissima verò hæmorrhagia, lethalis nunquam modò & quidem gracile sanguini repagulum injiciatur.

I V.

AFFICI plethorâ dentem quis diceret? Hæmorrhagiâ laborare quis desinere mirari? Medicus, cui compertum est partes durissimas molles nonnunquam fieri, vasis liquore suo tumentibus gaudere; & è contrâ; hinc obstructio, inflammatio, tumor, pulsus, abscessus, &c. A lue venereâ, scorbuticâ, scrophulosa quot morbi in semine? Hinc sanguinis lymphæ ubi labefactata, depulvit symptomatum densa cohors! Hinc doloris sensus ob humoris acredinem in tunicas irruentis nervosque; modò caries ab ichore eorum materiaturam depascente; augetur gradu & numero morbus si denti luxatio fracturaque accedant. Alit-cujusque symptomatis pessimum, dolor; pro ejus intensione febris, insomnia, delirium, parotidum amygdalarum, &c. inflatio, aurium abscessus, ophtalmiæ, imò totius corporis spasmus, convulsioque, &c. Tunc organi jactura [medicamen miserabile] etsi opportuna, multa secum trahit damna inter quæ hæmorrhagia. Hæc compescenda, eò promptiùs, quò dentis, alveoli, maxillæque vasorum diameter minor, pressu constrictaque fa-

cilior, dilatari ineptior & augeri, varices eorum, necnon complicationes inhabiles fluere, sistere sanguinem in promptu quàm appositæ.

V.

NEC minima inter operationes Dentis extractio: Quanta ex hac exurgunt symptomata. Quot dentium vacillationes, luxationes, disjunctiones, fractura, in maxillas ipsas intrusiones, dilacerationes Gingivarum, &c. hinc maxilla, licet raro, dentes sapissimè, gingivæ nonnunquam veniunt firmanda, reponenda, conjungenda, adaptanda, educenda, obducenda cicatrice, &c. indè dolores acerbissimi omni ratione mitigandi, indè vasorum sanguiferorum apertio citò citius occludenda. Caveas ne crudele ferrum, dum dentem improvidà nec oculatà trahit manu, impudenter auferat & mandibulæ portiunculam; tunc arteriolam laceratam si detegat Hæmorrhagia, indicatur & ipsa sui cohibitio: obviū medium triplex, stipticum, ignis, compressio. Nausearet mens, si primum proponeretur occurrens ubique. Ferrum excandescens in fundibulo latitans ora vasorum urendo claudit. Pressū obfirmatur arteria ne fluat. Sæpissimè sistit quàm citò Hæmorrhagia ex medicamento stiptici appositū, ne dūm ad alia currendum: Nonnunquam igne opus, prægresso inutiliter primo; tandem irritis ambobus succedit semper tertium accedens: Quartis quæ sigillatim operationi concurrunt: minimè narranda quæ temporis spatiolo demonstrantur abundè. Quid facerent Chirurgi*, Magistri si talia? Felix Ager, felix & Chirurgus quibus curatio tam prospera è firmà basi cæteris Hæmorrhagiis optanda. Non sic in ranulis, sublingualibus, viscerum, &c. arteriis apertis in quibus punctum firmum quò comprimantur stabiliri nequeat. Eheu miseri homines quos novissimè Chirurgorum incuria præmaturè tradidit morti, neglectà quam facillimà operatione. Ex anatome, maxillarum dentiumque vasa diametri minoris inter osseas latitare lamellas inspexisti; ex morbo, hæmorrhagias nasci symptomaticè, nec non ex dentium extractione produci nonnunquam, appositè observasti, hasque exemplorum omnis ævi relâtionem & curandi methodo facilè compescendas notum est; ex operatione tandem citò, tutò & jucundè sanguinem sisti sensibus paruit.

* Vide
Fauchart.

Ergò Hæmorrhagia ex Dentium evulsione Chirurgi incuriâ lethalis.

DOMINI DOCTORES DISPUTATURI.

<i>M. Ludovicus-Hyeronimus Cofnier.</i>	<i>M. David Vasse s. Aëtius Preses.</i>	<i>M. Franciscus Bailly, Phat- macia Professor.</i>
<i>M. Ludovicus - Joannes de Thieullier, Regis Con- siliarius, & in majori Consilio Medicus ordina- rius.</i>	<i>M. Andreas - Josephus Seron.</i>	<i>M. Andreas de la Leu s Chirurgia Professor.</i>
<i>M. Nicolaus le Roy de S. Aignan.</i>	<i>M. Thomas - Renatus Gafner.</i>	<i>M. Petrus-Antonius Lepy.</i>

Proponebat Parisiis JOANNES DE DIEST, Altena - Germanus,
Baccalaureus Medicus, A. R. S. H. 1734. à sextâ ad meridiem.